

2013-mi isumaginninnermut ikorsiissutinik pisartagallit

2013-mi inuit 17.572-it piffissap annikitsup sivisunerusulluunniit ingerlanerani pisortanit ataasiarlutik arlaleriarlutilluunniit isumaginninnermut ikorsiissutinik pisartagaqarsimapput.

2013-mi inuit ataasiarlutik arlaleriarlutilluunniit isumaginninnermut ikorsiissutinik pisartagaqartut 1,1 procentimik annertuseriarput ukiumut 2012-mut sanilliullugu. Pisortanit ikorsiissutinik, erninermi ullormusianik aamma utoqqalinermi soraarnerussutisianik pisartagallit annertuseriarput, taamaattorli suliffeqanngikkallernermermi ikorsiissutinik aamma siusinaarluni soraarnerussutisianik pisartagallit annikilleriarsimallutik.

2013-mi isumaginninnermut ikorsiissutit tunniunneqartut katillugit 868,6 mio. koruuniupput, tassa qaffariaat ukiumut siulanut sanilliullugu 5,2 procentiulluni. Pisortanit ikorsiissutit, erninermi ullormusiat, siusinaartumik soraarnerussutisiat aamma utoqqalinermi soraarnerussutisiat tunniunneqartut taama malittariillutik 8,5 procentimik, 1,7 procentimik, 3,5 procentimik aamma 6,4 procentimik annertuseriarput. Suliffeqanngikkallernermermi ikorsiissutit tunniunneqartut ukiumut siulanut sanilliullugu 3,6 procentimik annikilleriarsimapput.

Siusinaartumik aamma utoqqalinermik soraarnerussutisiallit aningaasartaataannut qaffanneqarneranut peqqutaa pingaarnersaat tassaavoq aningaasarsiat tunngaviusut 2012-miit 2013-mut 6,0 procentimik aamma 5,1 procentimik qaffanneqarmata, utoqqalinersiat inatsisaanni aalajangersakkat tunngavigalugit angissusiliineq aningaasarsiat tunngaviusut atuisunut akigititamut naleqqersuutit ineriatordanerat tunngavigalugit qaffanneqarpoq.

Isumaginninnermut kisitsisit atorlugit nassuaasiornermi inuk ataaseq pisartagalik, akiliutit katinneranut inuup nr.-anut kommunip akissarsialereriaasianut ukiumi pineqartumi naatsorsuutini kisitsit 0-iuppat, tassa inuk pineqartoq pisartagaqarpat naatsorsorneqartapoq. Isumaginninnermut ikorsiissutinik pisartagaqartoq tassasinnaavoq ukioq naallugu tamakkiisumik utoqqalinersianik kisianni aamma pisortanik ikorsiissutinik tunineqarnikoq soorlu qaammat ataaseq. Inuk ataaseq ikorsiissutinik assigiinnngitsunik pisartagaqarmat, naatsorsuineq ataatsimut isigalugu inuit ikinnerusut naatsorsorneqarput ikorsiissutinut ataasiakkaanut immikkoortunut sanilliullugit.

Ukiunut 2011-2013 agguarlugit isumaginninnermi ikorsiissutinik pisartagallit

	2013	2012	2011
Inuit amerlassusii			
31. december-imiit innuttaasut 15-ileersimasut	44.238	44.234	44.251
Isumaginninnermut ikorsiissutit ataatsimut naatsorsorneri ..	17.572	17.389	17.446
Pisortanit ikorsiissutit katillugit	8.686	8.653	8.596
Suliffeqanngikkallernermermi ikorsiissutit katillugit	3.317	3.374	3.632
Erninermi ullormusiat katillugit	1.308	1.023	1.079
Siusinaartumik soraarnerussutisiat katillugit	2.912	2.990	3.073
Utoqqalinermi soraarnerussutisiat katillugit	3.949	3.943	3.898

Najoqutarisaq: Naatsorsueqqissaartarfik <http://bank.stat.gl/son002>

Ukiunut 2011-2013 agguarlugit isumaginninnermi ikorsiissutit tunniunneqartut

	2013	2012	2011
1.000 kr.-nit			
Isumaginninnermut ikorsiissutit ataatsimut naatsorsorneri ..	868.639	825.891	820.710
Pisortanit ikorsiissutit katillugit	156.199	143.940	131.543
Suliffeqanngikkallernermermi ikorsiissutit katillugit	40.496	41.999	46.741
Erninermi ullormusiat katillugit	32.276	31.740	33.649
Siusinaartumik soraarnerussutisiat katillugit	259.454	250.792	256.187
Utoqqalinermi soraarnerussutisiat katillugit	380.214	357.420	352.590

Najoqutarisaq: Naatsorsueqqissaartarfik <http://bank.stat.gl/son002>

Kisitsisaataasivik

Kisitsisit qulaani takuneqarsinnaasut Kalaallit Nunaanni Naatsorsueqqissaartarfip nittartagaatigut www.stat.gl-imi takuneqarsinnaapput imaluunniit nalunaarsuutit qulaaniittut link-iisa ataaniittut toorlugit. Kisitsisaataasivik atorlugu nammineq tabelliaiat ilusilersorsinnaavatit soorlu ukioq, kommuni, ikorsiissutip sussusaa, ukiutigut eqimattat, suaassuseq aammalu uuttut.

Paasissutissat amerlanerusut

2013-mi isumaginninnermut ikorsiissutinik tunngasoq ataatsimoortoq www.stat.gl iserfigalugu PDF-tut tamanik atuarneqarsinnaavoq. Paasissutissanik amerlanerusunek piniaruit naatsorsueqqissaartarfip pisortaa Anders Blaabjerg oqarasuaat 34 57 81 imaluunniit e-mail abla@stat.gl atorlugu attavigineqarsinnaavoq.